

BENEVOLO LECTORI.

Fr. HYERONIMVS NICOLIVS.

LIBER hic, carissime Lector, quem primum in lucem exire vides, est veluti quædam appendix maioris Operis in alios duos tomos distincti, quo totum Canonicum, ac Ciuile Ius vbertim explicatur. Verum quia quod tertio editurus eram, primo loco, vt Superiorum iussis, veluti par est, obtemperarem, edere coactus sum; nonnulla, quæ in principio totius operis admonueram, hic quoque repetere operæ præteritum duxi.

I. Quod quæ in alijs duobus tomis diffusæ sunt explicata; hic vel silentio prætereuntur, vel tantum remissiue indicantur, vel ad summum compendio traduntur.

II. Ne hic effusam Doctorum allegationem desideres, quod repugnet breuitati, quàm in omnibus, præsertim in his Flosculis confectari consentaneum erat, vt qui præ manibus eorum, qui grauissimis Curia, præsertim Ecclesiasticæ, negotij distenti sunt, verisimiliter sint futuri.

III. Cum liber hic vniuersalis sit, in gratiam Tyrorum, qui Digestorum libros, & titulos non bene perspectos habent ad eorum laborem leuandum, ne pro quacumque lege inuenienda, tres omnes Digestorum tomos cogantur euoluere; addita parua littera indicaui, quo Digestorum tomo titulus ille

repe-